

პროგრამის სახელწოდება: ინგლისური ფილოლოგია / English Philology

სწავლების ენა: ქართული

მისანიჭებელი აკადემიური ხარისხი: ინგლისური ფილოლოგიის ბაკალავრი/Bachelor of Philology

პროგრამის მოცულობა კრედიტებით: საბაკალავრო პროგრამა აგებულია ECTS სისტემის საფუძველზე, სტუდენტზეა ორიენტირებული და ემყარება სტუდენტის აკადემიურ დატვირთვას, რომელიც საჭიროა საგანმანათლებლო პროგრამის მიზნების მისაღწევად.

ინგლისური ფილოლოგიის საბაკალავრო საგანმანათლებლო პროგრამა მოიცავს 240 ECTS კრედიტს, წელიწადში – 60 კრედიტს, სემესტრში – 30 კრედიტს. შესაბამისად, საბაკალავრო პროგრამის სტანდარტული ხანგრძლივობა 4 წელს ანუ 8 სემესტრს შეადგენს.

სტუდენტის ინდივიდუალური დატვირთვიდან გამომდინარე, წელიწადში კრედიტების რაოდენობა შეიძლება იყოს 60-ზე ნაკლები ან მეტი, მაგრამ არა უმეტეს 75-ისა.

პროგრამის მიზნები: პროგრამა მიზნად ისახავს კურსდამთავრებულს ჰქონდეს თანამედროვე მოთხოვნების შესაბამისი კომპეტენციები ინგლისურ ენასა და ლიტერატურაში. მისცეს კურსდამთავრებულს უცხო ენაზე საკომუნიკაციო კომპეტენციები, გამართულად აზროვნებისა და მეტყველების უნარ-ჩვევითა განმტკიცებისა და ენის პრაქტიკულად ფლობის შესაძლებლობა. კურსდამთავრებულს შეუქმნას ენის, როგორც ნიშანთა სისტემის შესახებ წარმოდგენა, ენის, როგორც სოციალური ბუნებისა და მისი როლის შესახებ ინტერკულტურული კომუნიკაციის პროცესში. რეფერირებისა და თარგმნის ტექნოლოგიათა უნარ-ჩვევების გამომუშავება, ასევე საერთაშორისო ურთიერთობების სფეროში მომავალი სპეციალისტების პრაქტიკული საქმიანობისათვის მომზადება.

პროგრამაზე დაშვების წინაპირობა: ინგლისური ფილოლოგიის საბაკალავრო საგანმანათლებლო პროგრამაზე ჩარიცხვის უფლება აქვს სრული ზოგადი განათლების დამადასტურებელი სახელმწიფო სერტიფიკატის/ატესტატის ან მასთან გათანაბრებული დოკუმენტის მქონე საქართველოს მოქალაქეს, ერთიანი ეროვნული გამოცდების შედეგების საფუძველზე.

ერთიანი ეროვნული გამოცდების გარეშე, ინგლისური საბაკალავრო საგანმანათლებლო პროგრამაზე სტუდენტთა მიღება/ჩარიცხვა ხორციელდება მოქმედი კანონმდებლობის შესაბამისად.

ინგლისური ფილოლოგიის საბაკალავრო საგანმანათლებლო პროგრამაზე მობილობის წესით ჩარიცხვა შესაძლებელია წელიწადში ორჯერ, საქართველოს განათლებისა და მეცნიერების სამინისტროს მიერ დადგენილ ვადებში, სავალდებულო პროცედურებისა და სასწავლო უნივერსიტეტის მიერ დადგენილი წესების დაცვით.

ინგლისური ფილოლოგიის საბაკალავრო საგანმანათლებლო პროგრამაზე ჩარიცხვა, ან გადმოყვანის წესით ჩარიცხვა უცხო ქვეყნის აღიარებული უმაღლესი საგანმანათლებლო დაწესებულებიდან ხორციელდება საქართველოს განათლებისა და მეცნიერების სამინისტროს გადაწყვეტილების საფუძველზე.

სწავლის შედეგები:

დარგობრივი უნარები:

უცხო ენაზე ფონეტიკურად, გრამატიკულად, ლექსიკურად და სტილისტურად გამართული აზროვნებისა და მეტყველების თეორიული და პრაქტიკული ასპექტების ცოდნა. ენათა სტრუქტურული აგებულების, ენობრივ სისტემათა დონეებისა და ერთეულების, ენათა ძირითადი ფონეტიკური, ორთოგრაფიული, მორფოლოგიური, ლექსიკური და გრამატიკული ნორმების ცოდნა. მომიჯნავე ენებში თანაფარდი სიტყვების აზრობრივი სტრუქტურის ეროვნულ-კულტურული სპეციფიკის, ლექსიკურ ერთეულთა ურთიერთშეთანხმებისა და ფრაზეოლოგიურ ერთეულთა ადეკვატურად გამოყენების თავისებურებების ცოდნა.

საზღვარგარეთის ქვეყნების (დასავლეთ ევროპა), ანტიკური ლიტერატურისა და კულტურის ისტორიის შესახებ ცოდნა, ქართული მწერლობის მსოფლიო მწერლობის კონტექსტში გააზრება, შუასაუკუნეების აზროვნების ქართულ მწერლობაში გამოსახვის ცოდნა, კლასიკური პერიოდის,

რენესანსული მწერლობის ცოდნა, ქართული და დასავლური მწერლობის ძირითადი თავისებურებებისა და კულტურული ურთიერთობების ანალიზი.

თანამედროვე ენათმეცნიერების, თარგმნის თეორიისა და პრაქტიკის საკვანძო საკითხების გარშემო ცოდნის სისტემატიზება. რეფერირებისა და მთარგმნელობითი საქმიანობის ტერმინოლოგიათა დაუფლება (მათ შორის სინქრონული თარგმანი), თარგმნის ძირითადი პრინციპების ცოდნა, რეცენზირება—რეფერირების ტექნიკის ფლობა.

ინგლისური ენის სტილისტიკისა და ლექსიკოლოგიის სფეროს ცოდნა, ინგლისური ლიტერატურის, ისტორიისა და გეოგრაფიის, სოციალ-პოლიტიკური მოვლენების კულტურულ ჭრილში ცოდნა. მსოფლიო მოვლენების გავლენა ლიტერატურულ სინამდვილეზე.

მეორე უცხო ენის მარტივ დონეზე ცოდნა, მთავარი ენობრივი ნორმების, ძირითადი ლექსიკური ერთეულებისა და გრამატიკის ცოდნა: ფონეტიკა, მორფოლოგია, სინტაქსი.

მიღებული ცოდნით მსოფლიო მწერლობის მთავარი ასპექტების პრაქტიკულად გააზრებისა და შემდგომ ანალიზის უნარი, მსოფლიო ისტორიული და კულტურული მოვლენების ანალიტიკურად განსჯისა და ლიტერატურულ მოვლენებთან ურთიერთობის საკითხების გაანალიზება.

ენობრივი სისტემების ერთეულთა კომპლექსური პრობლემების ამოცნობა და იდენტიფიცირება. თეორიული და პრაქტიკული გრამატიკის საფუძვლების გამოყენებით პრაქტიკული სავარჯიშოების შესრულება: თარგმნა (მათ შორის სინქრონული), ინტერპრეტაცია

მხატვრული ტექსტის ანალიზი, ტექსტის ძირითადი შინაარსის გააზრება

მეორე უცხო ენაზე მარტივი ტექსტების კითხვა, გააზრება, ინტერპრეტაცია

ზოგადი კომპეტენციები:

დარგის სფეროში პრობლემების ამოცნობა და მათი გადაჭრა შესაბამისი ცოდნისა და უნარების გამოყენებით, აქტუალური საკითხებისადმი დამოკიდებულების გამოხატვა

ენობრივი სისტემის ერთეულთა კომუნიკაციური ანალიზი და ტექსტის ინტერპრეტაციის მეთოდების გამოყენებით სათანადო დასკვნების გაკეთების უნარი. არგუმენტების მოყვანა სხვადასხვა შეხედულების მხარდასაჭერად ან საპირისპიროდ. სპონტანური და შეუფერხებელი საუბარი, ნორმალური დიალოგის წარმართვა ენის მატარებელთან ძალისხმევის გარეშე, მკაფიო და დეტალური საუბარი სხვადასხვა თემაზე. აზრებისა და შეხედულებების წერილობით მკაფიოდ ჩამოყალიბება ინგლისურად

ინფორმაციის სხვადასხვა წყაროების გამოყენება. პროფესიული საქმიანობის სფეროში ოპერატიული ინფორმაციის დამოუკიდებლად მოძიების, დამუშავებისა და ინტერპრეტაციის უნარი

მეორე უცხო ენის ფლობა კითხვისა და გააზრების დონეზე. შეძლოს მარტივი კომუნიკაცია, კითხვა და ტექსტის გაანალიზება, ძირითადად გერმანულ ენაზე.

დამოუკიდებლად წარმართოს საკუთარი ცოდნა, განივითაროს სასწავლო და კვლევითი უნარები

განსაზღვროს სწავლისა და საქმიანობის გაუმჯობესების შემდგომი საშუალებები

ჰქონდეს კულტურისა და მრავალფეროვნების პატივისცემა

იცნობს ეთიკურ ნორმებს, ქცევის წესებს, მიღებული ცოდნითა და უნარებით შეუძლია მონაწილეობა მიიღოს დემოკრატიული საზოგადოების ფორმირების პროცესში.

სტუდენტთა ცოდნის შეფასების სისტემა:

ინგლისური ფილოლოგიის საბაკალავრო საგანმანათლებლო პროგრამით გათვალისწინებული სასწავლო კურსების დაუფლება სწავლების პროცესში სტუდენტთა აქტიურ მონაწილეობას ითვალისწინებს და შეძენილი ცოდნის უწყვეტი შეფასების პრინციპს ეფუძნება.

ინგლისური ფილოლოგიის საბაკალავრო საგანმანათლებლო პროგრამის განხორციელებისას სტუდენტის სწავლის შედეგის მიღწევის დონე ფასდება „უმაღლესი საგანმანათლებლო პროგრამების კრედიტებით გაანგარიშების წესის შესახებ“ საქართველოს განათლებისა და მეცნიერების მინისტრის 2007 წლის 5 იანვრის N3 ბრძანებით დამტკიცებული შეფასების სისტემის შესაბამისად. ინგლისური ფილოლოგიის საბაკალავრო საგანმანათლებლო პროგრამის სასწავლო კომპონენტში სტუდენტის

სწავლის შედეგის მიღწევის დონის შეფასება მოიცავს შეფასების ფორმებს - შუალედურ და დასკვნით შეფასებას, რომელთა ჯამი წარმოადგენს საბოლოო შეფასებას (100 ქულა).

შუალედური და დასკვნითი შეფასება (შეფასების ფორმები) მოიცავს შეფასების კომპონენტს/კომპონენტებს, რომელიც განსაზღვრავს სტუდენტის ცოდნის ან/და უნარის ან/და კომპეტენციების შეფასების ხერხს/ხერხებს (ზეპირი/წერილითი გამოცდა, ზეპირი/წერილითი გამოკითხვა, საშინაო დავალება, პრაქტიკული/თეორიული სამუშაო და სხვ.). შეფასების კომპონენტი აერთიანებს შეფასების ერთგვაროვან მეთოდებს (ტესტი, ესე/ესეი, დემონსტრირება, პრეზენტაცია, დისკუსია, პრაქტიკული/თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, რეფერატი, წერილობითი დავალება და სხვ). შეფასების მეთოდი/მეთოდები იზომება შეფასების კრიტერიუმებით ანუ შეფასების მეთოდის საზომი ერთეულით, რითაც დგინდება სწავლის შედეგების მიღწევის დონე.

შეფასების თითოეულ ფორმასა და კომპონენტს შეფასების საერთო ქულიდან (100 ქულა) განსაზღვრული აქვს ხვედრითი წილი საბოლოო შეფასებაში, რაც რაც აისახება კონკრეტულ სილაბუსში და ეცნობება სტუდენტს სასწავლო სემესტრის დასაწყისში.

დაუშვებელია კრედიტის მინიჭება შეფასების მხოლოდ ერთი ფორმის (შუალედური ან დასკვნითი შეფასება) გამოყენებით. სტუდენტს კრედიტი ენიჭება მხოლოდ დადებითი შეფასების მიღების შემთხვევაში.

შუალედური და დასკვნითი შეფასების კომპონენტების მინიმალური კომპეტენციის ზღვარი არ უნდა აღმატებოდეს შუალედური შეფასებების 60 %-ს და დასკვნითი გამოცდის 60%-ს. ბიზნესის ადმინისტრირების საბაკალავრო საგანმანათლებლო პროგრამის განხორციელებისას სტუდენტის შუალედური და დასკვნითი შეფასების მინიმალური კომპეტენციის ზღვრის ხვედრითი წილი აისახება კონკრეტულ სილაბუსში და ეცნობება სტუდენტს სასწავლო სემესტრის დასაწყისში.

შეფასების სისტემა უშვებს:

ხუთი სახის დადებით შეფასებას:

(A) ფრიადი – შეფასების 91-100 ქულა;

(B) ძალიან კარგი – მაქსიმალური შეფასების 81-90 ქულა;

(C) კარგი – მაქსიმალური შეფასების 71-80 ქულა;

(D) დამაკმაყოფილებელი – მაქსიმალური შეფასების 61-70 ქულა;

(E) საკმარისი – მაქსიმალური შეფასების 51-60 ქულა.

ორი სახის უარყოფით შეფასებას:

(FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

(F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

ინგლისური ფილოლოგიის საბაკალავრო საგანმანათლებლო პროგრამის სასწავლო კურსში, FX-ის მიღების შემთხვევაში დამატებითი გამოცდა დაინიშნება დასკვნითი გამოცდის შედეგების გამოცხადებიდან არანაკლებ 5 კალენდარულ დღეში. სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის სასწავლო კურსის საბოლოო შეფასებაში. დამატებით გამოცდაზე მიღებული შეფასების გათვალისწინებით საგანმანათლებლო პროგრამის სასწავლო კურსის საბოლოო შეფასებაში 0-50 ქულის მიღების შემთხვევაში, სტუდენტს უფორმდება შეფასება F-0 ქულა.

დასაქმების სფეროები: პროგრამის კურსდამთავრებული შეიძლება დასაქმდეს მუზეუმებში, ბანკებში, ტურიზმის სფეროში (ანაკლისი სასტუმროები) როგორც არასამთავრობო ისე სამთავრობო სექტორში, როგორც მთარგმნელი, თარჯიმანი, პიარ-მენეჯერი

სწავლის გაგრძელების შესაძლებლობა: ინგლისური ფილოლოგიის საბაკალავრო საგანმანათლებლო პროგრამის კურსდამთავრებული უფლებამოსილია, სწავლა განაგრძოს საქართველოს ან სხვა ქვეყნების უმაღლეს საგანმანათლებლო დაწესებულებებში ჰუმანიტარული მიმართულების სამაგისტრო პროგრამაზე, რომელიც ორიენტირებულია შემდგომი დონის სპეციალისტისა და მკვლევარის მომზადებაზე.

კურსდამთავრებულს ასევე შეუძლია სწავლა გააგრძელოს ნებისმიერი მიმართულების სამაგისტრო პროგრამაზე, თუ ამ პროგრამაზე მიღების წინაპირობა არ არის შეზღუდული სხვა სპეციალობის ბაკალავრის აკადემიური ხარისხით.

პროგრამის სტრუქტურა:

ინგლისური ფილოლოგიის საბაკალავრო საგანმანათლებლო პროგრამის სასწავლო კურსები მოიცავს:

45 კრედიტი - საუნივერსიტეტო სასწავლო კურსები, აქედან 40 კრედიტია სავალდებულო და 5 კრედიტია არჩევითი 25 კრედიტიდან.

ამასთანავე ინგლისური ფილოლოგიის საბაკალავრო საგანმანათლებლო პროგრამის საუნივერსიტეტო უცხო ენად წარმოდგენილია გერმანული ენა, როგორც მეორე უცხო ენა

ძირითადი სპეციალობის (major) საგნებს 120 კრედიტი, რომელიც წარმოდგენილია ინგლისური ენის პრაქტიკული კურსისა და ცალკეული სასწავლო კურსების სახით

ძირითადი სპეციალობის არჩევითი კურსებს 15 კრედიტი

დამატებითი სპეციალობა (minor) 60 კრედიტი ან თავისუფალი

სტუდენტს ეძლევა საშუალება თავისი სასწავლო პროგრამა მოაწყოს:

180 (საუნივერსიტეტო 45კრედიტი, ძირითადი (major) საგნების 120 კრედიტი ძირითადი სპეციალობის სავალდებულო და 15 სპეციალობის არჩევითი სასწავლო კურსებიდან ადგილი კრედიტი) და minor (60 კრედიტის) სახით;

ან

180 (საუნივერსიტეტო 45 კრედიტი, ძირითადი (major) საგნების 120 კრედიტი ძირითადი სპეციალობის სავალდებულო და 15 კრედიტი სპეციალობის არჩევითი კრედიტები) და 60 კრედიტი თავისუფალი